


書號	
登記號	二九X九〇
函	
冊	六





歐菴先生文集選序



余嘗謂讀書不讀全書如拾鴻之  
毳以像鴻也秦阿之宮煬之樓徽  
一獄觀麗者必周其弘周其疏周  
其逕焉猶或惝恍不給穴隙而窺  
之不惟無以與吾目也亦安所容



吾身若夫選擇而居則不然蓋有  
據其一勝而盡千里之覽者矣讀  
才全無以見古人之大選不精無  
以成古人之瑜而垂後世廉頗之  
將黃霸之治郡也幾乎其盛者也  
而不能無議闕與之失與為相之  
憾比而書之則將謂頗不為智勇  
而霸不為循夫角棚而耀歌者必  
為之謹菴輳拂扳潤吻止囂豈容  
一歌者以示人缺哉歌菴刻徐文  
長三集不知何以畧不差別令文  
長獎錦袴荆棘中歇菴之文意俊



而語獨能發其鮮迤邐澹浸致令  
必達五言古詩時有陶柳之槩駿  
其必泊者也而刻之者為俗士  
槩舉旁及鱗鬣之餘暨所厭倦而  
代以人者亦支格其間殊累歇菴  
文回有率而工苦而窳者率而工  
出其意之所發意至語至意盡語  
盡若逼迫於酬酢矜莊于顧忌周  
旋于頽面其思彌曲其詞彌巧而  
人以不工當其牽于人求而人  
應勢實使之而不虞其示於人而  
傳于後居今之世為人應之文而



能免於數患者鮮矣即歇菴不免也而豈其質哉公餘多暇為極遴和諸如所云即中擇必鏗句鍛語以成全瑜少時喜高季迪詩語秀粹徧索全集讀之無足觀返令索者無味甚矣選季迪者之愛季迪也歇菴選所餘散金沙中割愛去盡令讀者味腴而憶之追逸雋無竟不猶愈歟

曆已未五月望後陸夢龍君啓  
書於粵署





歐菴先生文集選

歐菴先生集選總目

卷之一

詩

讀白樂天詩

耳鳴

贈劉布衣

題集慶寺僧卷

有序

題許老師冊之三

病士擬陶六章

雜言



易者集選 目錄  
懷黃昭素年兄近體三章

憶同遊二首

題水亭圖有序

擬陶二首

贈聶鍊師

贈天目僧

雨問答臨安道中作

遊五泄四首各有序

過釣臺用嚴子陵灘韻同袁中詠賦二首

別袁六休三首

覽鏡三首

湖上新屋成

孟節嬾

迎雨謠

過日鑄嶺六首

東山

咏晚雅

題畫竹

戊戌除夜二首

哀鬚



百衲羹

放生詩十首書王董父慈無量集

與梅季豹遊雲門

秋日陪黃雨石大行游西湖賦贈

幼美兄七賢過關卷失而復歸

贈靈隱僧

勝公煎茶歌兼寄嘲中郎

過何泰華園分韻二首

四月晦日泛若耶至雲門寺

贈黃昭素年兄請告還嘉陵有序

贈洞庭僧望西

卷之二

序

鄧文潔集序

海門文集序

盱江要語序

淨業要編序

書聶氏譜序

馬曹稿序

徐文長三集序



金壘子序

方布衣集序

大中丞常公奏議後序

陽辛會稿序

張世調制義序

門人稿序

金孟章制義序

篤菴稿序

湯君制義序

王淡戎制義序

王慕蓼制義序

及幼草序

慧業序

壽母詩序

賀郡侯石公榮簡序

郡丞寅所張公奏最序

真定守張公覃恩序

贈章泰字文游吳序

贈劉斗墟先生序

贈大覺禪師郁斑麻序



壽鄭崑巖中丞序

壽常老師五十序

壽叔祖貞齋序

送劉進士還遼陽壽其尊公序

王母壽序

碑記

鶴林寺祖師畫像記

新造渡東橋碑記

蕭山西陵鎮疏河碑記

昌平州義莊公記

南關權使潘公治政碑記

也足亭記

歇菴記

白華堂記

游洞庭山記八首

卷之三

贊

達摩尊者面壁像贊

紫柏和尚像贊有跋

大冢宰吳公像贊



馮尚齋先師像贊有跋

雲谷先生像贊有跋

顧朗哉像贊

商半村士像贊

錢慕蘭像贊

錢生自寫像贊

自贊

箴

效唐尚寶山房箴三首有序

題跋

題李祠部祖德冊

題穆公墓緣冊

書普度菴放生池卷

書王世韜卷

辯

放生辯惑六問

募疏

華嚴寺飯僧募疏

說

蚶子舍利說



墨雜說七章

養蘭說

雜著

偶書

書常山兩詹生扇頭

呈子

請告呈子

再請告呈子

疏

請告第二疏

起國子監祭酒辭免疏

啓

上沈相公啓

再上沈相公

代大人答諸通家

祀鄉賢請郡邑諸公

答謝撰述

答張景江

答某令君

答劉鄰滄台州



答林蕭山

答劉諸暨

答施嵯縣

復趙用吾開府

送試錄上婁江相公

書

上政府

與周海門先生四首

與袁石浦三首

與袁六休二首

與謝開美表兄

上岳父商公

與友人

與徐魯原先生

與余山陰舜仲

答李大蘭

與何越觀二首

與我明弟

與幼美兄三首

與姜養冲大叅



與潘庚生

登第後寄君奭第書九首

辛丑入都寄君奭第書十二首

與湯霍林二首

卷之四

論

經正則庶民興 癸卯應天程式

堯舜以來相傳之意 乙未會試程式

策

癸卯應天程策

祭文

祭許少傅座師

祭李卓吾先生

祭董九所先生

祭寧國友人代

祭外父

祭姪壻章生

傳

徐文長傳

譜傳



姓系第一

地望第二

始遷第三

派別第四

墓志銘

山東左叅議陽谷南公暨配裴恭人墓志銘

貴州叅議繼山來公暨配周宜人墓志銘

湖廣叅政警庸林公墓志銘

福建按察使青崖高公墓志銘

山東道御史允賢徐公墓志銘

晉府左長史重齋郭公墓志銘

淮安府知府范養吾先生墓志銘

合州知州念山余公墓志銘

贈員外郎誠山徐公墓志銘

贈主事芹泉馮公墓志銘

贈義烏縣知縣謹吾張公墓志銘

銘

秦臺劉君暨配章孺人墓志銘

曲靖府同知一川王公墓志銘

鴻臚寺序班桐溪王公墓志銘



處士程子方墓志銘

內兄商仲文墓碣

德望兄暨配陳三孺人墓志銘

黃母范太夫人墓志銘

陳母韓淑人墓志銘

墓表

孝義來功伯墓表

詩以下俱館課

齋居對雪

塞上曲

論

寧靜致遠論

成已成物論

夜氣浩然之氣論

黃石公秘法論

志氣天人交勝之理何如

大器猶規矩準繩

解

窮理盡性至命解



歐菴先生集選卷之一

會稽陶望齡周望甫著

同邑陸夢龍君啓甫選

詩

讀白樂天詩

嘗聞樂天言依依姓陶人况我姓氏同流風殊未湮  
 暗系雖荒唐強附情所親弱齡秉孤介知足嘗少營  
 月暮無餘資視公猶未貧一命詎為貴比公誠蚤榮  
 身既無羈束腰亦忘屈伸胡為罷官來兩見田園春  
 雖無達士懷心亦寡緇磷栖遲楊柳宅來往蓮花僧



湖水遶屋流南山亦當楹何必若耶溪有異斜川濱  
我非公後裔公定我前身篇咏性多拙杯杓力不任  
唯應詩與酒兩者媿先生

耳鳴

我身久危脆生與疾病并三十方少壯一耳常年鳴  
吞藥謁醫師已之而未能靜聽忽自哂宜愛何緣憎  
寒谿月泉瀉古磳松風聲秋蟬旣縷縷玉磬時冷冷  
近聞江濤喧幽得廣樂清蕭遠天有籟虛無谷誠神  
昔聞晁夫子中歲求長生冥然發奇響自謂通仙靈  
著書良已誇一一爲強名彼以靜境現我從多病侵  
是身如空虚此響寧是真或誇或以嘆妄計起迷情  
病久心境閒庵居漸如僧一悟聞思理良哉觀世音

贈劉布衣

聞君年少愛禪寂身着袈裟手持錫聞君中歲返鄉  
里束髮戴冠畜妻子如君形迹那得窺俗眼相看浪  
嗔喜世人莫喜且莫嗔曩時是俗今是僧蹉跎尚有  
迷方士乞與光明無盡燈

題集慶寺僧卷 有序

冬日同謝開美董揆仲季文學王周二上舍  
宿集慶寺僧舍座上二僧俱喜飲而揆仲方



持齋寫法華經余戲之曰有飲酒沙門則有  
持齋居士因大笑次日寺僧持卷強索余詩  
因次其語爲解嘲云爾

名飲推闡黎持齋復誰氏手寫蓮華經兀兀者居士  
身住蓮花社攢眉者釋子梵書挂孔壁翻將貝葉紙  
淨土與醉鄉相去不盈咫有士處其間無是無非是  
終年念經論半字不到齒終日在塵囂中懷了無事  
腹同無礙釜身是空虛爾雞猪逢箸喫蔬食飽而已  
闍黎悟得否是卽無生理非則償債去我墮泥犁罪

題許老師冊之三

前庭樹松柏後圃羅桃李蘿葛生其間荏弱難爲理  
伊余信蒙昧弱齡遭災疢一遇偶糝先千金愧隗始  
黽勉筮時彥審力知所止把耒東澗田學釣西江涘  
上慙昭明代中念酬知己竟夕魂屢遷宵分攬衣起  
虛頑竟成累貞直聊可恃朱絲白玉圭主持以報君子

病士擬陶

身如浮雲此病復何似誰能達其解毘耶老居士  
林卧寥寂牀外所餘幾蓮花三萬座嗟嗟室中起  
病翁已疲薺神通竟如此誰云不二談而當涉唇齒

其二



有物強名身執持仍曰手拳指既異理運拳號爲肘  
謂此異草木云胡左生柳萬物隨化遷吾化亦何有  
一杯苟可持聊以煩吾右

其三

神龜死剝灼千歲猶嗟天犬馬齒幾何亦復名爲老  
天老既無定吾衰詎云早園槿崇朝花榮華豈不好  
苟其盡天年自足稱壽考

其四

靖節昔貧窶瘵疾忽見嬰衣食已難周藥餌安能營  
貧病士所難况復二者并超超濁酒尊汎汎秋籬英  
有時抱孤歎所歎者長醒道勝既常足性拙亦常寧  
翻憂壯者勞而謂富者貧形神發苦言喜懼要難平

其五

白公老病風悲歌強爲歡駱嘶已辛酸柳枝辭獨難  
樹倒藤豈縈蝶去花當殘四緣會有歸外物奚足嘆  
竺國古先生於何示無還

其六

衡祀互淹泊荏苒及三紀曾問幾人疾曾弔幾人死  
問弔行相及往復乃恒理疾或苦沉迷死卽悠然矣  
苦短樂更多無憂且懽喜



襟言

貧兒夢得金歡喜未曾有不知是虛假妄計成富厚  
經營費籌畫日暮虞防守亦復分其餘酤酒聊爲壽  
醕醕暢平昔歌笑一開口中觴念所獲營慮紛前後  
覺來擁絮眠敗簣陳牖忽悟夢中非悔不多酤酒  
懷昭素年兄近體

秋月色偏苦黃花影亦寒一尊花月底相對別離難  
酒罷月剛墮客行花已殘年年花發處不忍月中看

其二

爲別竟草草出門千里途懷人冬日永失侶衆中孤  
草合楊雄宅雲深賀監湖從來幽隱地知有鴈書無

其三

嚴霜淨輕籜寂寞但空林杯酒天涯夢孤舟歲暮心  
情多憎道淺別苦恨交深何處思清話蘭亭山水音

憶同遊

憶君同遊時恠我多歡興不飲常醕醕無愁但歌咏  
看山並騎出坐月連朝病僊閣屢延矚風泉每傾聽  
深歎旣舍筏餘勇猶超乘恃子如蛩蛩顧余同命命  
歡多苦離促別酒澆鞭鐙羈懷成緬邈冰雪嚴冬令  
寂歷語誰宣幽憂日長瞪有如嗜飲客久值瓶罍罄



霜侵孤舫白日落長河暝沙禽對愁坐哀鴻叫相應  
單居事多違獨往心難競浩蕩平生愁俱來此時併

其二

日出何紛紛車馬長安地伊余獨愚懶與俗成違異  
閉門每終日欲出愁無事虛房掛巾拂寂寂如僧寺  
所欽塵外友共此閒中意坐久移昏日茶餘散人吏  
清賞雜談謔深禪共游戲娟娟良月華耿耿春燈穗  
賓言與方洽滿酌何辭醉主人云已疲去矣吾當睡  
豈惟肝膽徹手足都自恣至樂難名言真談無意義  
鷹翻脫絆紲馬逸解銜轡偃僂變昂藏衰遲返童穉  
良游風雨散既往何時值恍如鈞天樂夢想徒能記

題水亭圖有序

南京春官尚書宅在柳樹灣池館清迥余與  
繼源讀書其中時嘗見此圖別後二十年始  
會於北都繼源復出此求咏追記舊遊宛宛  
在目人事變徙悵然而悲會予復告歸又二  
年丁酉始書此寄呈繼源於南京崔顥題詩  
在上頭莫訝羞澁難出手也

昔年夢墮鍾山下古柳成衙壓官舍水檻臨池竹亞  
牆共君杯酒燒燈夜君持此圖臨檻前水亭水檻都



依然真景如橫畫景濶燼罷燈花看不足妙畫有神  
神恍忽吹燈走入圖中宿一別廿載逢燕都可惜圖  
在尺景殊昔我兄弟皆少小君纔有髭似寒草人言  
絹力苦不長墨色翻如昔年好我無手筆比孤雲難  
把煙光寄贈君柳樹灣頭君憶取秋風好為悵離羣

擬陶二首

其似  
一身未易營衣食常相關詎知志士懷可以忘饑寒  
腰腹為仇讐安能兩無患行當直躬歸而暇憂朝餐  
饑來時見驅叩門赧容顏厲也夙憐王行乞良勝官  
一飽意更舒况復酒可歡

其二

淵明十數傳後有水仙子吳越居匪遙吾姓儻因是  
不然千載餘那得心情似世俗貴纓冕先貧後所耻  
何意姓陶人爭附柴桑里

陶峴居崑山栗里  
之後人號水仙

贈聶鍊師

月滿藥苗肥花開梅子實中有天地春靈詮傳秘密  
僊翁道自勝緒乃挾茲術辟彼方瞳公本草聊濟物  
燕郇有緡髻弱弄嘗繞膝始知蔓草年豈測陵松日  
嗟予抱空聚衆病爭宅窟瘦骨劇剝亦貧官徒把筆  
尺綆百丈泉吻渴無由繙感君敦道素至寶非所惜



傾囊十顆珠不待予詞畢嫩色真猩紅生香想蘭茁  
至陽一照曜陰沴忽如失何以喻太和微微汗花發  
別來枯槁腸尚憶羊乳滑聽拂癡龍髯神珠或當出  
贈天目僧少年嘗選爲兵與倭鬪傷臂

少林有橫枝幾傳到天目老僧二十時鬪虎健新犢  
等身一白棒曾斫天吳肉至今八十七枯根茁霜禿  
示我刀瘡癥禪心久降伏忽逢說虎人猛氣不可縮  
脫帽走中庭旋風撼空木

雨問答臨安道中作

遠山饒稚容迫視反成老蛾眉遁烟霧所得徒悴槁  
譬彼淇濮游縈手聚群媪山行不見山對食嗟不飽  
借問行雨兒咄哉庖相惱雨言子何愚予勞豈云小  
贈子松江綾百疋桂樹杪先以秦珠圓侑之吳帶縞  
享子以廣樂鐘鼓互撞考自餘琴筑奏一一音繚繞  
觀子水犀軍組練鬪輕矯騰裝百萬騎各各勢縈攪  
眺遠諒微礙臨流得新巧舍魚食熊蹯異味子須曉  
慎勿憎雨行雨行亦自好

第五泄

五泄之名以瀑水勝然山徑固已奇絕矣入  
青口十里至五泄寺寺右緣溪崩崖而上復



折遂至瀑布所水懸可千尺石壁如削左右  
環擁映水益壯不知視匡廬鴈宕何如也然  
聲勢震蕩口喑目旋神魄失守亦雄偉奇特  
之觀題名於壁曰萬曆丁酉三月廿日公安  
袁宏道歛方文僕山陰王贊化會稽陶望齡  
龍歸同遊

白蛻飲晴壑一飲萬人鼓腥風歎涎沫下有神龍府  
傾崖與迴薄嶺石佐虓怒十里骨立山洗濯無撮上  
遙源杳何處落地名第五客來泉亦喜舞作千谿雨  
赤脚雨中立衣沾翳厓樹廿年成始至重游在何許  
憑君鐵錐書一破蒼苔古

### 第一泄

宋景濂記云諸泄惟第四級不可至或以絢  
圍腰繫巨杖俯而瞰其取道蓋從嶺上下耳  
僧言山下有細路緣崖可上則四泄皆可至  
也時方雨險滑不可置足褰裳從之從者多  
諫罷歸寺詰朝步上響鐵嶺從山腰得斜徑  
攀挽而行臨其顛望之四瀑宛宛可見夫匡  
廬鴈宕一級水耳猶得名况五泄耶

山雨無崇朝青蒼助巖險四泄安可求山僧只指點



興來身命微危磴幾欲犯童僕進苦規同游亦譏貶  
慮深膽易懼計阻心竟歎勝事忽若吞清眠夢如魘  
斥餐動歸策臨瞰勢已儼蘿葛疲攀緣荆榛費誅斬  
跣石愁足跌蹲泥任衣染下望五白龍遙遙競騰閃

紫閬

泄之水百仞五之意是天上落也從響鐵嶺  
而登至絕頂謂便當下乃忽見平疇長林菜  
竹蒼翳溝塍組織水皆安流審之卽墮而爲  
泄者地名紫閬民居頗稠或至巨富四望緬  
然平遠亦更有羣峰環之上山卽富陽縣界  
予與客皆言兩縣地勢高下遽如此復不謂  
是山頂行十里忽復下走如一二里始至地  
由此言之安知今所謂大地者非處於孤峰  
絕頂乎

一瀑懸百仞五瀑方到地每緣嵐霧開略想峰頭翠  
卽此料泉源應從白雲墜攀藤漸躋陟屢息始能詣  
誰謂孤峭中忽有桃源事雞犬散村落竹木成位置  
連壽溪女乘卓午樵人市向來五瀑布平流若溝隧  
十里方下山人家在天際

玉京洞



從五世至洞巖寺凡三十里洞在寺右始入  
如永巷巷窮迺開闢如七間大廳堂遇濶處  
卽名一洞如是者不測爲幾也未入時寺僧  
携席以從云穴隘者至不得手行須首引其  
尻如蛇蚓狀以爲藉耳洞中然十數炬猶暗  
炬火小如棗核不見光燄隘處又苦烟塞觸  
眼鼻皆酸旣至穴口數刺頭試之畏烟竟不  
果惟寺僧與王生及僮輩二三人更進數洞  
出爲言所以聞昔有行脚僧曾擔糠深入者  
見大溪石橋而返頂上聞槽聲當是錢塘江  
也

靈洞積陰晦火烈不得揚一炬纔照身有似秋螢光  
神憂意多危群客悄不狂相牽隧道窮呀爾開堂皇  
石髓結還滴蝙蝠鳴且翔布席通穴口投身引其吭  
要當蛇蟻行恐逼蛟龍藏勇夫三四人老僧啓前行  
還言所歷殊一一仙人房其下流清泉其上安橋梁  
溪嶺突高下尻背時低昂火燭點欲盡窾奧安可量  
常聞長老說有衲裹餽糧持呪禁妖恠表塗留糝糠  
猛志忽地險深探遍靈鄉頂上搖櫓聲依稀是錢塘  
與君凡境居安知仙路長



過釣臺用嚴子陵灘韻同袁中郎賦

富春一竿竹成都一張簾少微西南星兩應先生嚴  
鑪火鑄戈鋌區區佐餘炎桐江鐵釣鈎敲出計鋒銛  
朝釣細鱗鱸暮釣濶口鮎鮎鱸自有儔豈與蛟龍無  
狂奴一何狂故人亦何媿莫以龍之飛而笑魚之潛

其二

新安三日雨昨夜生新水欲上嚴公臺貪此舟行駛  
兩度負公拜擬去還復止恐人問釣臺上作何形似  
三過不能言羞慚面當此維舟陟其巔爲我非爲子

別袁六休

朝停富春郭夕泊釣臺下遵塗漸以窮離懷不可舍  
來潮接去水白浪白如馬君行在建業爲復下江陵  
良友更誰共名山還幾登前行路初迢秋風夜作濤  
錢塘與楊子兩處隔風潮金陵猶自可江陵正愁我  
將心比暗潮不送潯陽柁誰爲今日酸卽是作日懽  
江魚行逆水勿使尺書難

其二

儒生慕升米朝舖太倉塵袁生曠世士食麤不食陳  
手擘旃檀香魚龍煮麒麟豈獨機用殊詩文亦尖新  
不重彝鼎古所貴瓶罍真谷風振林莽樹竅因之鳴



莊生大鵬鳥惠子蚤與蚿

其三

少年學應舉偷出事治遊微名援為繩脉脉如見抽  
三十沾寸祿斯意畧已酬中遘疾病侵萬事都能休  
况有良友朋兼之好林丘謂如鳥排空翻若魚中鈎  
沉憂來何方復抱曩者愁貪佛與貪名等為貪所囚  
吾生朝露耳何當伸眉頭

覽鏡

食柏生香事有徵吾生物化豈無憑筍鄉嗜久枯同  
竹梵夾緇多瘦亦僧葷血斷來餘紫蓼衣冠拋盡只  
朱藤荒蕪田業關何事已種南湖十畝菱

其二

莫恠年時愛道裝姓名久已空房六時自禮蓮花  
漏每日親拈印字香詩景天和邀客和衡門草長與  
人長夜燈點罷仍朝梵靜坐山中也覺忙

其三

春風濠上始觀儵秋雨簷前又醉漚萬事總如僧剃  
髮一生偏愛黍垂頭欹崎歷落真堪笑寵辱升沉定  
不憂試向唐生問身事騎牛躍馬竟誰優

湖上新屋成



東西坊本依城市大小山今有弟兄擬卜幽棲分嶺  
翠好憑竹閣聽泉聲倦同飛鳥投林急慵愛瓜牛戴  
屋行湖上一椽聊爾爾扶犁權與老農耕

孟節婦禮卿母

晦月失陽光死魄終不盡不如作雙星化石同時實  
金風悲蟋蟀草露弔蚯蚓樹枯生意盡會看發芝菌  
何以况古人軻書宗也筭

迎雨謠

似長

江鼉背穿井苔死旱蓮花開仍結子

俗云旱蓮草生水濱輒旱及結

子始水車啞啞龍脫骨夜半踢翻老鴉尾山農叉手

眼出血心死向神土泥活廟祝村巫語晰啁兩瓣菱  
杯顛倒跌西村太尉東相公靈輿交戛鑼鼓雄走僵  
鰲老顛倪童布裙拖竹旂颭風神言天怒山鎖龍力  
絲位下闍難通零雲剩雨空虛中殿脚子孫異所翁  
各為乃子身相攻秋雨薄薄分牛脊攘雷剽電相寇  
賊神戈鬼仗雲間格盡馬駮驪汗流壁截分片雲如  
裂帛屠牛烹豕謝神力醜酒沃田田亦濕

過日鑄嶺

是歐冶鑄劍地歸田錄稱日注草茶第一注即鑄也予舊有卜居之志茲

始至焉山寺久廢僧徒二人

十年聞勝地及見過於聞蘿葉遮泉眼松身上石筋



猗分朝暮果洞老古今雲舊寺千盤裏僧田薄可耘  
其二

寺廢餘僧病基荒記佛埋龜趺蹲澗草虎嘯撼門柴  
無地開朝講租田給午齋布金貧未得爾我願何乖  
予許買山後為復寺

其三

黑林魍一足陰嶺苦偏蹄窰戶尋猩語  
山深處皆造窰燒灰巢  
民伴鶻樓岩回全隱路石墮未妨溪愛僻真吾病携  
鉏築崦西

其四

嬾許黃生並狂惟袁子真可憐虛白意猶傍軟紅塵  
溪澗栽羅淺篔簹種紙春  
山人以竹為紙  
欲將雲寄遠雲亦戀吾貧

其五

冶氏去已久山山如劍鋸過雲愁破碎飛鳥敢翱翔  
吾欲拔之舞收將囊底藏星文繫衣袂却似有身光  
其六

朱門不肯顧目望高天霞鹿性常思草蓬蠶房只課花  
糞畦收豆稽開地種脂麻漸曉農來理傳書王老家

王氏  
農書



東山

竹梢藤蔓冷僧扉門外蒼松忽減圍

舊多老松夾道近為入伐存者

皆斲藥更誰悲遠志摘花猶得訪薔薇落潮漁艇晚

初閣上浦風帆健欲飛絲管暮年陶寫盡謝公何日

復東歸

咏晚鴉時新安程先生在座

寒鴉作團飛鉤轟口喑不噪以羽鳴聲如猛風吹屋

傾來無約期令我驚冥色駸駸飛意急殘雪糝頭毛

尚濕寒雲壓背高纜口欲數翻愁過眼疾猶有追飛

餘幾翼筆凍手聞天閭寂晚景句奇稀賞識新安壯

士好腰脊為君繡此寒鴉集

題畫竹

草非草木非木畫復非畫藁法足筆如秋原落輕鶻

蒼寒百丈駭溪縮視之墨耳意乃綠四竿五竿如萬

玉可老坡仙森在目我不識畫頓識竹題詩上方添

爽颺

戊戌除夜

淚竹黯將滅啼鳥耿未眠暗風吹濕夢夜雨忽連年

其二

抄歲一旬都入夜

越俗自二十至除夕通稱為夜

行年四十豈關春



惟應舊日香燈社換水添花稍較新

予年三十有餘無鬚近方十餘莖而長不滿寸  
遂有一莖半白者哀其生老同城戲爲十一

韻

中年惟天宦鬚長但如眉鬢鬢略可數十莖稍有奇  
秋草生非時秋霜行被之嗟爾出土芽迺有如銀絲  
烏白雜時頭聃老胎中兒始聞頗驚恠細燃反自怡  
請觀少年死何妨黑鬚髭貌生欲其壯貌死欲其衰  
他年影堂內好稱枯羸姿芭蕉不及雪寫雪良已奇  
吾意不及老聊吟白髭詩

百衲羹

杭僧碧暉集蔬果爲油麩甚美以其多物而成於僧手故曰百衲

水洗麥塵凝糞然豆珠腐菰首帶苗青芋魁環子處  
栗肥新去皺菱老方辭渚婺州玉葉蕈越嶺龍兒脯  
瓮雞鮮勝肉土酥嫩如乳豆飽未經霜瓜垂初過雨  
樹妖僧耳白菜異猴頭聚珍分海若髮藥斲山公股  
胡餅團月擘雪粉素絲縷椒似持紀律油以合儔伍  
初如在懸樂金石各異部終焉八音宣笙鏞集鼓鼓  
杭僧碧暉叟心閒面皮古爲齋齋碧暉齋還碧暉煮  
水短只數掬火活聊一舉伎妙手欲飛香聞涎合吐  
須臾火事畢衆目屬登俎風雨捲盤筵千矛雙亂筋



父踈何氏肉腸枯旱時圃暉乎如可留吾將漑其釜  
放生十首書王董父無量集以凡百畏刀杖無  
不愛壽命為韻

人生事腸腹及與口舌三二但取飽軟一乃司吾饑  
萬錢餽盤筵殉此徑寸甘下咽了無知理與木札兼  
晚食美葵蓼甚饑望蒸藟鹽徑寸况易欺胡當信其婪  
半嚮償一身債主真不廉人羊須吏理請君覩其凡

其二

毒董烹肉肥利刀藏魚窄魚肉豈不美智者走弗食  
吾有萬世患驚以取一適七箸成戈矛操之還自賊  
君看筵几上怨敵常繞百食肉作董觀斯言心何刺

其三

介盧曉牛鳴治長諳雀噦吾願天耳通達此音聲類  
群魚泣妻妾雞鶩呼弟妹不獨死可哀生離亦多慨  
閩語既嚶伊吳聽了難會寧聞閩人肉恐作吳人膾  
可憐登陸魚噍喁向人諄人曰魚口暗魚言人耳背  
何當破網羅施之以無畏

其四

夾弩隱衣袂入林群鳥號狗屠一鳴鞭眾吠從之囂  
殺機翳胸中粲然若懸杓吾聞螳螂蟬能變琴者操

長卿蝦  
璞及此  
語只是  
難為了  
閩人



至人秉慈尚虎象焉足調因果苟無微視斯亦已昭  
與其噉群生寧我吞千刀

其五

從事愁見拘波臣苦遭蕩蝸氏群處囊悲鳴更相杖  
寄書已成悔見夢徒增妄數錢贖爾至縛解羈囚放  
困極勢未道蘇餘氣仍壯銜恩未忍去故作三回望  
何方絕網釣何去保無恙感激見深衷遲疑抱遐悵  
贈爾金口言努力此迴向耨水具功德蓮花好安養  
微施豈懷報往矣慎波浪群蛙猶有情鼓吹西牕傍

古今注蟹名  
河伯從事

其六

昔有二勇者操刃相與酷曰子我肉也奚更求肉乎  
互割還互噉彼盡我亦枯食彼同自食舉世嗤其愚  
還語血食人有以異此無

其七

吾聞豐坊生赤章呪蚤虱蚤虱食幾何討補况已酷  
借問坊食者還當呪坊不弘恕聖所稱斯言非佞佛

其八

生物不可食熟已過時敗生旣嫌腥膻敗時仍臭穢  
腥膻君所知胡爲強吞噉水火幻味香口鼻成災恠



如蠅穢中育還以臭爲愛及其生子孫居然臭穢內  
坑園難久居蟲乎可爲戒

其九

豎首橫目人豎目橫身獸從獸者智櫻甘人者勇鬪  
悲哉肉世界奚物獲長壽一虎當邑居萬人怖而走  
萬人俱虎心物命誰當救莫言他肉肥可療吾身瘦  
彼此電露命但當相憫宥共修三堅法人獸兩無負

其十

食肉或有墨食糠反肥盛薇蕨雖苦饑甘脂亦生病  
我痛思彼痛彼命如我命勿憎質直語質語應易聽

與季豹游雲門

叢竹生鞭晚稻齊石橋重訪古時題谷雲未出俄成  
雨簷瓦初鳴已漲溪日氣忽穿殘蜺斷亂山翻在夕  
陽西秦碑解讀隨君讀苔磴從高不濕泥

秋日陪黃雨石大行游西湖賦贈

勝踐阻深幽奇探每重繭惟有西子湖波光近於眼  
城頭粘翠浪提尾銜青巘浮居酒舫寬卧進人輿軟  
曾靡高深懼而備登臨善如君夷曠士一遇盡成款  
高談露齒齟往往掛肝膽豈不重深衷佳處正在淺  
三陪烟艇月屢赴招提飯山姿幾明晦溪態巧榮轉



卽遇謂已盈淹留興逾緬如君美無度冲抱出平遠  
幽憂渝宿好三歲跡如鍵相從把芳醕疲疾獲所遣  
幼美唐寅七賢過關卷偶失去予作詩解之亡  
何復歸遂書前詩於卷并有後篇

吾兄寶斯盡令我韻其尾盡亡有餘恨題詩爲昭泗  
當時訝詩意頗與畫趣同去畫不可見見我詩篇中  
兼亦寶我詩二寶相雌雄一潛一在匣每有精光通  
新篇爲召呼果與舊物逢一笑獲其耦畫反詩無功  
詩長更踈缺畫短窮纖濃乃知有聲類不及無聲工  
移珠已復還往壁猶未碎辛苦宵人握襪理損脂膩  
將無煩七翁顏面亦微頰四馬蹄不停兩牛鞅未稅  
乍至恰如歸方睽願願嘆桃燈話無恙尊竿聊問慰  
雪深關路迷翁其安篋竒

贈靈隱僧

稽留山下寺客到每稽留僧定年年夏蟬吟句句秋  
泉新雲護覓峰午月生樓不獨貪名賞兼憐茗事幽

勝公煎茶歌兼寄嘲中郎

中郎嘗品茶云

銅鑪宿火灰初煖旃檀半銖芬氣滿須臾斷續一縷  
青纔有香烟意全短勝公煎茶契斯法兔褐甌中雪  
花白火文湯嫩茗乍投已具味香無有色蘭花色淺



趣已殊况堪老作鵝兒雛佳處無多在俄頃趣飲敢  
復留羸餘公安袁生吳令尹未解烹煎強題品杭州  
不飲勝公茶卻嘗龍井如草芽誇言虎丘居第二彷彿如聞豆花氣羅芥第一品絕精茶復非茶金石味  
我思生言問生口煮花作飲能佳否茶於花氣已非  
倫淪石烹金味何有歇菴道者山澤癯煨光泉水烟  
雲腴飲罷身輕意冲舉夢爲白鶴雲間徂燕中大餅  
如截樹生乎啖之齒牙敝何時一碗沃爾腸勿作從  
前易言語

過何泰華園分韻

花事殊堪譜魚群似可名涼風吹暮影急雨打荷聲  
清簟便慵卧朱欄傍晚行嘗新北泉冷重爲煮沙甌  
其二

今日何園句能無憶少陵迷人寄生酒匝地月支藤  
蓮褪魚吹粉苔深石減稜軒窗隨面面寒竹影層層  
四月晦日泛若耶至雲門寺

雙溪港口泊幽夢石帆山下朝炊動荒村客到松鼠  
奔小市人喧竹排重我生百事松上針雖有寸長何  
所用石田千畝雲外閒去採靈芝爲君種

贈黃昭素年兄請告還嘉陵有序



泣不成聲則歌歌不成聲呼奈何而已雜詩  
數章泣乎歌乎錯然而書之書罷而讀不知  
爲何語也

其二  
月到三十日素魄如青盲與子遠別離倚誰作光明

其三  
日月相望時清暉意逾苦望前與望後都得一十五

其四  
殷勤遠離意寂莫前夢境今朝看昨夢昨夢亦已永

其五  
我行車馬間不識乘車人豈無馬上郎非是意所親

其六  
長安結交地共作糲膠粘與君相識來清水投清鹽

其七  
蟻視不過寸生死尋丈地與子亦何心而營天外事

其八  
浮萍語浮木爾我時相遭委身滄波中誰能慎風濤

其九  
古井如古鑑團團一奩水衝風莫作得不到深井底

七年不相見俱有冰霜髭攬髭共丁寧詎是離別時



其十

形影爲三人起舞秋月冷須臾月落山回身不見影

贈洞庭僧望西

漁艇紫沙桅雲帆七道開烏程帶殘酒半醉吐風來





